

Samstarfsnefndir
Heilbrigðisstofnunar Vestfjarða annars vegar og Félags lífeindafræðinga
gera með sér svofelldan

STOFNANASAMNING

um forsendur og reglur um röðun starfa við stofnunina skv. kjarasamningi
félaganna og fjármálaráðherra f.h. ríkissjóðs dags 6. júní 2011.

1. Gildissvið.

Samkomulag þetta nær til allra félagsmanna í Félagi lífeindafræðinga sem starfa hjá Heilbrigðisstofnun Vestfjarða.

2. Markmið.

Um markmið er vísað til greinar 11.2.1 ofangreinds kjarasamnings, auk þess að Hvest. sé eftirsóknarverður vinnustaður.

3. Röðun starfa.

Um röðun starfa er vísað til greinar 11.3.1 og 11.3.2 ofangreinds kjarasamnings.

3.1 Starfslýsingar


Hverjum starfsmanni er raðað samkvæmt starfslýsingu. Í starfslýsingu kemur fram hvaða verkefni og skyldur viðkomandi starfsmaður gegnir. Auk þess kemur fram færni (kunnáttustig/sérhæfing) og starfsreynsla sem þarf til að geta innt starfið af hendi. Doktorspróf, masterspróf og /eða háskólapróf og viðurkennt framhaldsnám/sérnám frá 40 ECTS ein. (20-60 ein. gamla) sem nýtist í starfi raðast skv. starfaflokkum sbr. **Fylgiskjal I**.

3.2 Persónu- og tímabundnir þættir

Meta skal persónu- og tímabundna þætti sbr. 11.3.2. sem þrep (álagsflokk) í launatöflu. Slíkt álag skal háð endurmati.

Starfsmenn eiga rétt á einu launaviðtali, árlega, við mannauðssvið og er það á ábyrgð starfsmanns að óska eftir því. Í launaviðtalinu er farið yfir launaröðun starfsmannsins og skoðaðir þættir í launum hans sem gætu haft áhrif á launabreytingar. Þá er bæði horft til grunn- og álagsröðunar m.t.t. frammistöðu, aukins náms eða annarra breytinga sem geta haft áhrif á röðun. Launaviðtal gefur ekki eitt og sér rétt til hækkana á launaröðun.

G. G. G.



A. Námskeið / viðbótarnám.

Sjá bókun 3

B. Starfsreynsla

- Eftir 4 ár í starfi fæst 1 þrep.
- Eftir 12 ár í starfi fæst 1 þrep.
- Eftir 20 ár í starfi fæst 1 þrep.

C. Verkefni

- Greitt verði skv. grein 1.3.1. í miðlægum kjarasamningi í 3 mánuði fyrir tímabundin verkefni sem starfsmanni er falið að vinna fyrir Hvest. (sjá fylgiskjal II bókun 5) Verkefnið sé skilgreint í upphafi.

D. Hæfni, sérstakur árangur og/ eða frammistaða

- 1 til 2 þrep: Heimilt er að greiða þetta álag fyrir sérstaka persónuþætti, s.s. að starfsmaður:
 - Hafi sértæka reynslu sem nýtist við störf hans hjá stofnuninni
 - Stundi fræðilegar athuganir á starfssviði stofnunar.

4. Hlutverk samstarfsnefndar

Samstarfsnefnd skal annast endurskoðun og breytingar á stofnanasamningi sbr. gr. 11.3. í kjarasamningi. Þar skal og samið um röðun starfa skv. 25. gr. laga nr. 94/1986.

Samstarfsnefnd skal ennfremur fjalla um ágreiningsmál sem upp kunna að koma vegna framkvæmdar stofnanasamnings.

Að öðru leyti skal um starfshætti samstarfsnefndar fara samkvæmt ákvæðum greinar 11.4. í kjarasamningi.

5. Gildistaka og endurskoðun

Við gildistöku þessa samnings falla úr gildi allir eldri stofnanasamningar, bókanir og aðrar viðbætur.

Gildistími stofnanasamnings er frá 1. febrúar 2014.

Undirritun samnings

Ísafirði 17. nóvember 2014

f.h. Heilbrigðisstofnunar Vestfjarða.

Heilbrigðisstofnun
Vestfjarða

f.h. Félags lífeindafræðinga

THOR HÖNN Einarsson

Fylgiskjal I.

Starf flokkur A

Launaflokkur 010 Nemandi á háskólastigi sem lokið hefur að minnsta kosti 3 árum í viðkomandi grein.

Starf flokkur B

Launaflokkur 060 Lífeindafræðingur 1. Starfsreynsla 0-2 ár í faginu. Hann vinnur sjálfstætt, er fær um að taka sjálfstæðar vaktir ef við á og skipuleggur störf annarra ef við á.

Launaflokkur 080 Lífeindafræðingur 2. Starfsmaður með 2ja ára starfsreynslu í faginu. Hann vinnur sjálfstætt og skipuleggur störf annarra ef við á. Starfsmaður er fær um að leiðbeina nýju starfsfólki og nemum. Starfsmaður með viðurkennda viðbótarmenntun 40 ECTS ein. (20-60 ein. gamla) raðast 1 launaflokki hærra.

Starfsmaður með 120 ECTS ein. (60-90 ein. gamla) sérnám eða masterspróf raðast 2 launaflokkum hærra en ella.

Launaflokkur 090 Lífeindafræðingur 3. Starfsmaður með 6 ára starfsreynslu. Hann vinnur sjálfstætt og getur verið staðgengill yfirmanns á deild í fjarveru hans. Hann er fær um að leiðbeina nýju starfsfólki og nemum. Starfsmaður með viðurkennda viðbótarmenntun 40 ECTS ein. (20-60 ein. gamla) raðast 1 launaflokki hærra. Starfsmaður getur tekið þátt í stefnumótun á sínum vinnustað og er fær um að innleiða breytingar og nýjungar í starfi. Starfsmaður með 120 ECTS ein. (60-90 ein. gamla) sérnám eða masterspróf raðast 2 launaflokkum hærra en ella.

Starfsmaður með doktorspróf 180 ECTS ein. raðast 3 launaflokkum hærra en ella (12. lfl.).

Starf flokkur C

Launaflokkur 110 deildarstjóri rannsóknadeildar.

Stýrir deild með mannaforráð. Starfsmaður með 40 ECTS ein. (20-60 ein. gamla) viðbótarmenntun raðast 1 launaflokki hærra (11. lfl.).

Starfsmaður með 120 ECTS ein. (60-90 ein. gamla) sérnám eða masterspróf raðast 2 launaflokkum hærra en ella.

Starfsmaður með doktorspróf 180 ECTS ein raðast 3 launaflokkum hærra en ella.

Greiddir 3 fastir yfirvinnutímar.



Fylgiskjal II

Bókanir

1. Hækkun vegna viðbótarnáms, starfsaldurs og prófa taki gildi mánuði eftir að gögnum er skilað inn til launadeildar Hvest.
2. Grein 1.3.1 í miðlægum kjarasamningi: Heimilt er að greiða sérstaka umbun umfram mánaðarlaun skv. greinum 1.2.1 og 1.2.2 sem aldrei skal þó nema hærri fjárhæð en 30.000 kr. á mánuði. Það hámark tekur ekki breytingum á samningstímanum. Umbun þessi greiðist vegna sérstakra tímabundinna þátta sem ekki falla undir grein 1.2.2 og greiðist aldrei lengur en áhrif þeirra þátta vara. Ákvörðun um greiðslu slíkrar umbunar skal tekin af forstöðumanni og byggjast á skriflegum reglum sem hann hefur kynnt starfsmönnum.
3. Vegna skipulagsbreytinga á Heilbrigðisstofnun Vestfjarða er ákvörðun um mat á námseiðum frestað fram til haust 2015. Hafi nýtt samkomulag ekki verið undirritað fyrir 1. desember 2015 mun eftirfarandi kafli taka gildi:
 - Fyrir 60 stundir í námskeiðum – fæst 1 þrep.
 - Fyrir 120 stundir í námskeiðum – fæst 1 þrep.
 - Fyrir 240 stundir í námskeiðum – fæst 1 þrep.
(Alls 3 þrep fyrir námskeið)
 - Fyrir 30 ECTS ein. diplomanám fæst 1þrep.

Einungis skulu metin samfelld námskeið, eða námskeiðshlutar sem teljast 1/2 eining hið minnsta, 6 kennslustundir.

